



**Nunatsinni inuaqatigiinni aalanerulernissamut qanoq iliuuseqaqataasinnaaneq pillugu
apeqquteqaat aallaavigalugu oqallissiatut siunnersuut**

(Inatsisartunut ilaasortaq Lars Poulsen, Siumut)

Siullermik sammisaq pingaaruteqartoq pillugu oqallinnissamik siunnersuuteqartoq, Lars Poulsen, Siumup qutsavigerusuppa.

Siumumit Kalaallit Nunaanni Timersoqatigiiffiit Kattuffiat – GIF, suliniutai nersualaarpaput. Minnerunngitsumik piumassutsimik illoqarfissuarmiikkaluarpat aamma avinngarusimasumiikkaluarpat, nukittullutik, qasusuillutik pingarnertullu nikallujuillutik suleqataajuarnerat. Nunatsinni naleqarnerpaattut Siumup isigerusuppa annertuumillu qamuuna qutsavigivarput minnerunngitsumilu nersualaarlugit.

Aalasa ukioq 2024 misissueqqissaarneq immikkut aningaasaliiffigineqarnikuusoq allaat 700.000 Kr. atorniarlugit misissuinerup saniatigut aamma avinngarusimasunik timersortarfiit misissorneqarnissaanik tikkuussinikuupput. Aammalu ilaatigut suliniumminnik ilanggullugu, ilaatigut aalariaatsit 93-it misissorsimavai, allaat nunatsinni 20 timersuutit ilanggullugit naatsorsorsimavai. Taakkuupput timersuutit illup iluani aamma silamilu naatsorsummi, Siumumit ilisimaleratsigit nuannaarutigaarput.

Uanili avinngarusimasuni timersortarfeeqqanik soorlu oqallissaarisup eqqaasai multihalimik, Idræthøjskolemillu suliaqartoqarsinnaaneranik eqqartuinera Siumup misissugassaqqissutut isigigatsigu, assersuutigalugu ukiuunerani timersortarfik Qaanaami allaat ullumikkut annertuumik ajornartorsiuteqartoqartoq uggorivaa.

Assersuutigalugu Qaarsuni aamma Ikerasammi timersortarfeqannginnerup kingunerisaa aporfiginagu, ingerlasoqartoq Siumup ilisimaaraa aallaat Maligassiuisut SHOW unnuKKuani inuusuttunnguaq. Nersornaammik, tunniussinermi takutiinnarpaa.

Piumassuseq, nukiusoq takutippaat allaat atuakkanik atorniartarfimmi sungiusartoqartartoq takutippaa, nersornaasigaasup oqaasia puigunngilara, "TIMERSORTARFIMMIK". Oqaasia attortinnaq, malugalugu nunatsinni inuusuttup kissaammik tunivaatigut.

Ilaatigut nunatsinni suliffeqarfissuit, kilisaataatillit aningaasarpassuarnik periarfissalik, sunneeqataanissaat kaammattorpai, suliniummut peqataaqqullugit.

Tamannalu piaarnerpaamik anguniagaanani iliuuseqarfingineqarnissaa, pingartuuvoq taamaammat aamma sineriammi Kalaallit Nunaanni Timersoqatigiiffiit Kattuffiata GIF, misissuinarnerat suli Siumup, annertuumik taperserpaa.

Saniatigut aamma Siumup ilisimaaraa aalanerusaa.

Innuttaasut ataasiakkaartut,

pisussaaffeqarpugut timerput paarissallugu,



minnerunngitsumik angajoqqaatut akissussaaffeqarpugut meerartatta akisussaaffeqarpugut, ilinniartissallugit timertik qanoq paarinissaannik.

Nunap manna pinngoqqaarmalli nunatta inuisa pinngortitarsuatta, timikkut tarnikkullu pissassaatigaat, anersaarlu taanna nunami maani ingerlatsitsigut, Siumup kissaatigaa aalanerulernissarput.

Uanili oqallissaarisoq, Lars Poulsen, Siumup qutsavigerusuppa.

Oqallilluarisi,

Dines Mikaelson, Siumut